

■ PCD GIUVNA DAL GRISCHUN

Resta la pli gronda partida dals giuvens

(cp) La Partida cristiandemocratica (pcd) dals giuvens en il Grischun resta era suenter l'elecziun dals 18 d'october la pli ferma partida giuvna en noss chantun. Pervi d'ina prestaziun eccellente dal team è il resultat da l'onn 2011 schizunt vegnì surpassà.

La pcd dals giuvens resta cun 5328 vuschs la pli ferma partida giuvna en il Grischun. Cun ina cumpart dad 1,77% è l'excellent resultat dal 2011 schizunt vegnì surpassà, cur che la pcd giuvna aveva cuntanschì 1,74%. «Elecziuns laschan adina puspè constatar quant bain ch'ins ha lavurà ils davos onns. Quel resultat mussa che la pcd giuvna dal Grischun è sin la dretga via ed è s'engaschada per il bainstar da la populaziun», di *Tino Schneider*, deputà e copresident da la pcd giuvna dal Grischun pertutgant il bun resultat da la partida dals giuvens.

Cun bunamein 1300 vuschs dapli che la segunda ferma partida dals giuvens è la pcd giuvna na sulet suren a las partidas giuvnas concurrenzantas, mabain ha era contribuì fitg a la reelecziun da cuss. naz. *Martin Candinas*. «Che noss cuss. naz. Martin Candinas po ir danovamain per quatter onns a Berna è stada la finamira primara da las elecziuns. Che nus avain fatg in tal bun resultat fa tut anc pli bel», constatescha *Severin Geiseler*, copresident da la pcd giuvna dal Grischun.

Quel excellent resultat motivescha la pcd giuvna dal Grischun da cuntinuar ses engaschi per il bainstar dal chantun. La pcd giuvna grischuna gratulescha er a cuss. dals stans *Stefan Engler* per sia reelecziun cun in resultat recordial.